

“Fatima e Concierto” un bunita regalo pa Misa Birgen di Fatima



DIABIERNA dia 24 di mei ultimo, den un Misa Birgen di Fatima, completamente yen, a tuma lugan “Fatima e Concierto”. E di dos actividad relaciona cu e celebracion di e di 60 aniversario di Misa Birgen di Fatima.

Na entrada cada persona a ricibi e programa pa e anochi y un bela bendiciona. Desde 7’or un brindis musical a wordo ofresi na esnan presente door di e trio Anouk Balentina riba flauta, Max Hassell riba guitarra y Omar Kock riba violin.

E concierto a inicia cu e Himno di Fatima “Na Cova da Iria” interpreta door di Melange den 5 diferente idioma. Durante di e presentacion e Birgen di Fatima a drenta misa den un procesion carga door di 4 parokiano acompaña pa e 3 muchanan, Hacintha, Francisco y Lucia, e Angel di Paz sigui pa Pastoor Jozef y a wordo poni riba altar. Esaki tabata un momento di hopi emocion pa tur e personanan presente ya cu nan no a spera esaki.

E concierto a continua cu un repertorio varia cu diferente canticanan dedica na Mama Maria y na nos mamanan. E canticanan a wordo interpreta door di 25 cantante acompaña pa 7 musico. Nan ta: Angela Croes - Ghislaine Grant-Comenencia - Gilda Fernandes-Orfao - Glenn Ascencion - Igmarr Maduro - Ivirgna Hernandez - Angela Croes-Hernandez - Jack Tromp

- Kiziah Trimon - Lilian de Kort-Boekhoudt - Mayrien Correa - Sharon Rose Berkley - Grupo Melange consistiendo di: Arlenne Wever-Croes - Aymon Kelly - Charles Croes - David Dubero - Donald Croes - Frits Israël - Gina Werleman - Hilyann Croes - Maybelline Arends-Croes - Mylène Arends - Rachel Kraaijvanger - Richard Dabian - Venny Trinidad. E musiconan ta: Ebby Peterson - Felix “Chucho” Hoek - Johnny Scharbaay - Lidrick Solognier - Mayra Kock-Garrido - Ryan Maduro - Zanelti Croes.

E cantica Magnificat (e alabanza di Mama Maria na Dios) a wordo interpreta door di Igmarr Maduro, Maybeline Arends-Croes, Richard Dabian y Donald Croes y a wordo acompaña cu un baile expresivo presenta door di Marielle Ho-Kang-You.

E concierto a finalisa cu e Himno di Fatima “Na Cova da Iria” y tur presente a hisa nan bela, cu a wordo sendi, cantando Ave Ave Ave Maria.

Un danki special ta bay na Sra. Maybeline Arends-Croes kende tabata encarga cu e programa y e musiconan y alaves encarga cu e Direccion Coral. Na Sra. Luty Martinez, e ‘Stage Director’, na e Ingeniero Musical Sr. Ivan Quandus y na tur e cantante y musiconan cu a duna un grandioso presentacion na honor di Mama Maria. Nan a regala tur presente y Misa Birgen di Fatima un bunita concierto celebrando Misa Birgen di Fatima su di 60 aniversario. Cu Dios bencidiona nan y Birgen di Fatima proteha nan. Tambe nos kier gradici miembronan di prensa pa nan cooperacion. Rubin Ponson, Sergio Tjie-A-Loi y Michael Odor kendenan a coopera pa grabacion di algun pista pa e cantantenan. Yeshua Tjie Photography pa saca potret. Sasaki Apartments, Caribbean Palm Village, SafeCom y Lucor Jewelers pa nan contribucion na “Fatima e Concierto”. Un danki na tur e persona nan cu un biaha mas a respalda nos concierto. Nos ta spera cu nan cu a sinti nan na Fatima.